

讀

書

脞

錄

讀書脞錄卷之五

仁和孫志祖

秦用夏正

萬斯大學所質疑以呂氏春秋十二篇首皆從夏正疑呂不韋爲相時已改從夏正至始皇二十六年始改建亥志祖案此說甚有理觀史記始皇紀云改年始朝賀皆自十月朔若此時仍用周正則十月乃建酉之月而非建亥之月矣然謂秦首以十月而不首以正月改年始而不改時月異於三代則未必然夫春夏秋冬此万世不易者也若如萬氏所說將秦四時之序皆先冬而

後歷春夏秋有是理乎蓋誤以史記所述太初以後史臣追改之詞爲本文余

閏正月十二月

近歷家置閏唯正月十二月罕見以理推之不應此二月不置也予攷得閏正月者二舊唐書憲宗紀元和十五年正月甲戌朔二月癸酉朔則此年閏正月矣孟簡撰左常侍薛平碑題元和十五年閏正月見趙明誠金石錄又湯大奎炙研瑣言云或謂古來無言閏正月者余曰不然元仇遠詩云閏正月過二月來溧陽溪頭花亂開濃雲急雨游雷雹不待羯鼓花奴催攷得閏十二

月者一舊唐書哀帝紀天祐三年閏十二月梁曜北又
攷得齊書武帝永明四年閏正月明帝建武三年閏十
二月梁書武帝大同九年閏正月尚未及徧檢各史也
蓋西法未行之先此二月之置閏者多矣

三商

儀礼士昏礼鄭目錄云日入三商爲昏商字內从八不
从十故釋文無音賈疏云商謂商量是漏刻之名夏文
莊蓮花漏銘云五夜持籌三商定夕見困學紀聞亦以商字
作平聲用王應奎柳南隨筆譏韻瑞以三商收陽韻爲
誤非也

河徙

漢書溝洫志大司空掾王橫引周譜云定王五年河徙案此事不見於史記周本紀周有兩定王前定王五年當魯宣公七年如果有河徙之事春秋豈應不書且春秋是年書大旱尤不應有河徙事此必後之定王亦稱貞定王者也本兩字諡後人从省或單稱定王余予嘗以此說質之丁小山亦以爲然

竹書紀年貞定王六年晉河絕于扈

干遂

呂氏春秋知分篇荆有次非者得寶劍于干遂高誘注干遂吳邑楊倞荀子勸學篇注引干遂作于越誤也使

本文是于越高氏必不注吳邑矣淮南道應訓夫差之
所以自到於干遂也可爲干遂吳邑之證敬齋古今黈
乃因楊倞之誤引而并詆及高注非矣古書亦有今本
不誤而舊本反誤者唯其是尠不當過信宋本也

狝氏

抱經先生龍城札記云漢書注縣名莫黜下音忸怛狝
氏下音權精此自音黜爲怛音狝爲權尠非連莫讀忸
併氏讀精也今人不曉古例往往誤讀不知音兩字者
古人自當作忸怛二音權精兩音又自有例矣縣名以
氏稱者甚多又莫字人所易曉故古人不嫌相混志祖

案怛二字成文故五原郡之莫黜如淳曰音怛怛師
古曰音了葛反此祇音黜字不當連莫讀怛也若權精
二字義不相屬自當併氏讀精不得專音狝字且漢書
代郡狝氏下孟康注固明云狝音權氏音精矣縣名以
氏稱者固多而此之氏字則當讀精無疑也

安定郡月氏道應劭

曰氏音支

撝陽

錢竹汀先生荅問錄云盧江之撝陽續志所無也而謝
承後漢書稱劉駒駘除撝陽長

見太平御覽

駒駘仕於鄧太

后時是安帝之世尚有撝陽矣志祖案謝承後漢書此

事檢太平御覽不得惟職官部良令長類引續漢書云
劉駒駘爲潁陽長政化大行道不拾遺以病去官童謠
歌之曰邑然不樂思我劉君何時復來安此下民案劉
駒駘乃北海靖王興之孫臨邑侯復之子永寧中鄧太
后召入東觀未嘗爲令長見范書北海靖王興傳御覽所引續漢
書劉駒駘事則劉陶之誤也陶除順陽長順陽屬南陽郡非潁
陽亦非擬陽也事見范書劉陶本傳御覽多誤字恐不
足據

餘干

韓門綴學云干寶之姓或譌爲于餘干之縣且竟爲干

文集申平于南雅敘說同志祖案于寶之譌爲于誠然
至餘于縣名恐不當作于也蓋餘干之所以得名以王
山縣有二溪名上干下干故見蘆浦筆記漢書地理志作餘
汗屬豫章郡餘汗卽餘干應劭曰汗音干嚴助傳越人欲爲變
必先田餘干界中可證隨志餘干屬鄱陽郡鄱陽由豫
章郡析置也其字俱作干不作于韓門之說未詳所據

潘縣

漢書地理志上谷郡潘縣顏師古音普半翻續志及晉

魏志俱作潘字而通鑑

卷一百一十七

詔祀堯於平陽舜於廣

甯胡三省注云皇甫謐曰舜所都或言蒲阪或言潘據

水經注潘當作瀦經史問荅從之且誇爲一字千金此非也水經注灤水篇潘縣潘水俱作潘字惟河水四引皇甫謐帝王世紀語作瀦不知此正傳寫之誤胡氏注上文所引同是元晏語明作潘字可證乃其下又云據水經注潘當作瀦豈非目睫之論且以河水篇一誤字而欲盡改漢晉諸史及灤水篇之潘縣潘水亦萬無是理近 殿本水經注已據永樂大典改正作潘惜謝山之不及見也

大秦

日知錄云今之佛經皆題云大秦鳩摩羅什譯謂是姚

興國號非也大秦乃西域國名因引後漢書西域傳言
大秦國在海西地方數千里有四百餘城小國役屬者
數十又云天竺國西與大秦通以證之亭林之言似乎
可信而予友蕭山徐北溟鯤徧探釋藏謂今佛經皆題
姚秦鳩摩羅什譯無有云大秦者不知亭林何據且鳩
摩羅什生於天竺距大秦國尚遠不當題云大秦也

畫嫫

張萱疑耀引許氏說文畫嫫舜妹嫫或作嫫畫始於嫫
故曰畫嫫世本曰黃帝之臣史皇善圖畫則畫又非始
於舜妹矣事物紀原引周穆王傳穆王時其臣封膜始

作畫者非也志祖案說文女部無嫫字其嫫字注云女
侍曰嫫引孟子舜爲天子二女嫫支部敷字注則云舜
女弟名敷首竝無畫嫫舜妹不知張氏何所據而爲此
說至穆天子傳封膜畫于河水之陽以爲殷人主注膜
畫人名疑音莫安得改畫爲畫而云封膜始作畫乎封建之封
非人姓事物紀原之說尤謬

太甲放桐

孫奕示兒編辨書敍太甲旣立不明伊尹放諸桐謂伊
尹不當有放君事放敍字相近當讀作伊尹敍諸桐非
也伊尹放太甲不獨書敍爲然一見於左傳襄二十

見於孟子豈盡教字之譌

晉語寺人勃鞞曰伊尹且公放太甲而卒以爲明王

孫丑曰賢者之爲人臣也其君不賢則固可放與是放字非教字明甚然則示兒編之說亦但出於後儒拘曲之見而可以私肌改古經邪元句曲外史張天雨取此說書於伊尹像之後

見讀書敏求記

彼詩人烏足以知經學哉

太戊桑穀

漢書五行志

中之

曰書敍云伊陟相太戊亳有祥桑穀

共生傳曰俱生乎朝而大拱伊陟戒以修德而木枯劉向以爲殷道旣衰高宗承敝而起盡涼陰之哀天下應之旣獲顯榮怠於政事國將危亡故桑穀之異見顏師

古注云桑穀自太戊時生涼陰乃高宗之事而此云桑穀卽高宗時出其說與尚書大傳不同未詳其義也或者伏生差謬志祖案近刻尚書大傳亦以桑穀生朝爲武丁事與劉向說正合豈師古誤記而翻以伏生爲差謬乎或注本云其說與大傳同傳寫者誤衍不字尔容齋三筆但譏顏注委曲爲辨亦未及細覈大傳又案五行志所引傳曰云云卽尚書大傳也疑大傳自屬太戊不應與書敘乖違近刻或出後人誤采說苑之文以入伏書更詳攷之

伯夷叔齊

小倉山房尺牘與韓紹真云嘗讀呂氏春秋載伯夷就
養於文王未至岐州而道卒王荊公最博正未必不見
此書乃作伯夷論曰豈其年高不及至周而歿邪抑或
未及待武王而歿也故意跌蕩其詞以作波瀾而不肯
引呂覽以實之於此可以悟作文之道志祖案呂氏春
秋誠廉篇云伯夷叔齊西行如周至於岐陽則文王已
歿矣非夷齊未至岐周而道卒也如呂覽果有此事則
史記叩馬之誣不辨自明荊公亦何必故跌蕩其詞爲
此疑而未定之說乎簡齋先生此論求深而反淺矣

蹇叔百里奚

史記秦本紀載秦穆公欲襲鄭問蹇叔百里奚案左傳
晉滅虞在僖公五年百里奚因虞亡而入秦孟子云年
已七十矣秦襲鄭在僖三十二年如奚此時尚在必且
百歲而商君傳云奚之相秦僅六七年疑諫襲鄭者止
有蹇叔而無百里奚也當以左傳爲正

是奚

公羊作百里子
疑別一人未定

禽息薦百里奚

文選陸士衡演連珠云禽息碎首豈要先茅之田李善
注引韓詩外傳曰禽息秦人知百里奚之賢薦之於穆
公爲私而加刑焉公後知百里奚之賢乃召禽息謝之

禽息對曰臣聞忠臣進賢不私顯烈士愛國不喪志奚
陷刑臣之罪也乃對使者以首觸楹而歿以上卿之礼
葬之案今本韓詩外傳無此事蓋缺佚也後漢書朱穆
傳注引韓詩外傳曰禽息秦大夫薦百里奚不見納當
車以頭擊闥腦乃精出孟嘗傳注曰臣生無補於國不
如歿繆公感悟而用百里奚秦以大化亦見孟嘗傳注
與選注又異據選注所云是秦穆公已知百里奚之賢
而謝之矣又奚爲觸楹而歿哉當以章懷注爲正

鮑叔先管子歿

管子諸書載齊桓公問管仲病欲相鮑叔管仲以爲不

可而舉隰朋似管子歿在鮑叔先而說苑復恩篇云鮑叔歿管仲舉上衽而哭之七條類稿以爲劉向傳聞之誤志祖案韓非子十過亦載桓公與管仲問荅事而云居一年餘管仲歿然則安知鮑叔之歿不在此一年中未可定以爲誤蓋管仲垂歿而失生平第一知己宜其哭之哀也管仲歿後十月隰朋亦卒於是故臣無一在者而豎刁之徒乃相與比周作亂矣

大夫種非鄞人

王伯厚據高誘呂氏春秋注尊師篇注楚鄞人當梁以篇注又云楚鄞人茲誤以文種爲鄞人因謂范蠡去而種不去者以父母之邦也

全謝山辨之

見鮑琦亭集三十五

據越絕書外傳吳越春秋內傳

以證非鄞產然據高誘當染篇注以爲楚鄒人鄒與鄞

皆從邑相近而譌亦非也此時鄒未爲楚所滅安得云

楚鄒人乎近錢竹汀引太平寰宇記江陵府人物云楚

南郢人謂此必本於高氏注北宋本猶未譌也志祖案

文選陸士衡豪士賦序文子懷忠敬而齒劒注引吳越

春秋曰文種者本楚南郢人也姓文字少禽始恍然於

種之爲楚南郢人本出吳越春秋特今本非完書亦選

注之可寶如此

太平寰宇記明州人物又載文種字子禽鄞人

閔子

閔子事後母以孝著嘗疑於書傳無徵今攷菽文類聚
卷十 二 知其事出劉向說苑而今本佚之也附錄於此云

閔子騫兄弟二人母死其父更娶復有二子子騫爲其
父御車失轡父持其手衣甚單父則與卽同歸呼其後母

兒持其手衣甚厚溫卽謂其婦曰吾所以娶汝乃爲吾

子今汝欺我去無畱子騫前曰母在一子單母去四子

寒父默然故曰孝哉閔子騫一言其母還再言三子溫

漢武梁祠堂有閔子騫御車像贊云閔子騫
與假母居愛有偏移子騫衣寒御車失秩

子思有兄

隨園隨筆引續通典云子思兄死使其子白續伯父孫

速潛邱札記引羅虞臣長子亦可爲人後議作孫遠次而無子其弟重以長子

彬後之曰重宗也案續通典宋白著流傳頗少向未見其

書但家語孔叢子所載孔氏世系子思不聞有兄孫速亦未詳何代人此二事皆無可攷或引檀弓子思哭嫂爲位以爲子思有兄之證然據正義引皇侃以此子思爲原憲則亦未可傳會也卽或子思有兄早卒恐未必有使子白續伯父事馮山公先生解春集中與邛髯書曾辨之

孔墨

班固荅賓戲云聖哲之治栖栖遑遑孔席不暖墨突不

黔李善文選注引文子云墨子無黔突孔子無暖席案
今文子自然篇與善注孔墨二字互易蓋此事爲孔爲
墨本不必有定也淮南修務訓陸賈新語劉晝新論竝
以無黔突屬孔不暖席屬墨自班固倒用其語其後趙
岐孟子章指云仲尼皇皇墨突不及汙庾信陝州五張
寺碑韓昌黎爭臣論竝相沿承用而孔席墨突之語習
之已熟鮮有用今本文子者矣

孔氏三世出妻

海寧周孝廉廣業記其父執祝人齋先生淫著礼記讀
本云孔子所喪出母謂聊叔前妻施氏也施氏雖不見

傳記以顏氏父性履難事之言推之亦可見且顏氏禱
尼生子則孔子所有兄姊皆施所出而今曲阜無施氏
墓又無祔廟之主卽家譜亦不載其非施歟而顏繼甚
明孔子有兄非爲之後故於施之歟爲之持朞所謂道
隆則從而隆也志祖案孔氏三世出妻之說謂伯魚子
思子上之母也未有誣及聖母者唯家語後敘云叔梁
紇始出妻其說之誣妄本不足辨且施氏生九女而無
子史記世家無文僅見於索隱所引家語今本家語無施氏字乾
隆年間廷臣議請以施氏崇祀加封經天台齊侍郎議
駁見寶綸堂文集中是施氏有無尚難定今又橫加

以被出之名豈所謂游談無根者乎

孟母

十一經問對問孟子之父名何而其母則誰氏也對曰俱未有攷史記本傳止載孟子幼孤而母教之以三遷之訓

史記本傳無此語

孟子先貧後富喪葬之礼母喪踰於父

喪而趙岐敍曰喪母而歸於魯父名母氏未聞志祖案

世傳孟子譜云孟父名激字公宜孟母仇氏

仇音掌

亦未

詳出何書也譜又載張頴孟母墓碑云頴讀廟碑其稱母曰李氏不知何據孟子妻田氏見明王圻續文獻通攷

卞和獻玉

韓非子和氏篇載卞和三獻玉事作楚厲王武王文王
蓋文王始使玉人理其璞而得寶故傳元豫章行曰琅
玕溢金匱文璧世所無盧諶荅魏子悌詩曰恨無隨侯
珠以酬荆文璧然攷史記楚世家無厲王但云蚡冒立
十七年卒蚡冒弟熊通弑蚡冒子而代立是爲楚武王
豈蚡冒諡厲而史缺邪前漢書鄒陽傳注後漢書陳元
孔融傳注引韓非子竝作武王文王成王文選荅賓戲
注引同曹子建贈徐幹詩注引作是韓非子有二本也新序載此事
作楚厲王武王其王誤琴操作懷王平王見後漢書
趙壹傳注以

平王爲懷王之子尤謬

荀卿

史記荀卿傳云葬蘭陵而國策謂其歸趙全謝山以國策爲是據荀子書中有與臨武君論兵於孝成王前一事知其自楚歸趙又謂或者荀子辭春申而去及春申歿荀子以甘棠之舊復游蘭陵而卒焉亦未可定志祖攷風俗通窮通篇云荀子爲歌賦以遺春申君因不得已乃行復爲蘭陵令焉然則荀子生平始仕齊繼仕楚自楚歸趙復爲蘭陵令而卒於楚史記國策之言未嘗不合也然尚有可疑者據史記荀卿年五十始來游學

於齊當齊襄王時荀卿已爲老師計齊襄王卽位至春

申君之歿

在始皇九年

又五十餘年則荀卿已百餘歲矣其

卒又後於春申不知在何時恐未必然也謝山云荀子

游齊當在湣王或以史記五十爲十五之誤

後漢書謝該傳楚人

止孫卿之去國注引劉向孫卿子後敘云春申君使人聘孫卿乃還復爲蘭陵令

黃綺

黃伯思跋四皓碑云云逸少有尚想黃綺帖陶淵明詩

亦云黃綺之南山畢文簡讀杜詩黃綺終辭漢疑四皓

之目宐曰綺里季夏曰黃公志祖案漢魏詩文用黃綺

者尚多漢張升反論曰黃綺引身巖棲南岳

見文選絕交書注

魏繁欽角里先生訓黃綺削跡南山下逮六朝沿襲承
用不可殫述然四皓之目終當以夏黃公爲一人孔記
曲孔疏四皓一東園公二綺里季三夏黃公四角里先
生後漢書鄭康成傳云南山四皓有園公夏黃公則漢
唐舊讀自審不可以詩人摘用據爲口實也

姓崔名廓字少連見崔氏譜

野客叢書云夏黃公

楊雄仕莽

全謝山經史問荅中辨楊子雲一條云楊子年四十餘
而入京成帝方郊祀甘泉是永始四年也次年而王根
秉政薦之由永始四年至天鳳五年計三十年楊子以

四十餘入京又三十年止七十年今必欲諱其莽大夫之恥以爲不逮事莽乃自成帝建始元年數之則移楊子入京之歲在二十年前自可從而爲之詞矣夫建始初元王鳳秉政非王根成帝竝未祀甘泉楊子枯坐京師二十年以待王根之薦乎志祖案漢書雄本傳贊薦雄待詔者大司馬車騎將軍王音非王根也王音歿後王商代之秉政若根之秉政又在商後今以雄爲根所薦自與本傳四十餘入京之語合若是王音則不得有四十餘矣

宋祁云音字是根字之誤

此昔人所以欲移楊子入京之

歲爲在建始初也但據成帝紀王音薨於永始二年幸

甘泉在元延元年幸長楊校獵在元延二年又與本傳
上方郊祀甘泉召雄待詔承明之庭及贊所謂薦雄待
詔歲餘奏羽獵賦云云皆不相合予以爲不特非王根
亦非王音也雄荅劉歆書曰雄先作縣邸銘王何頌階
闈銘及都城四隅銘蜀人有楊莊者爲郎誦之於成帝
成帝好之以爲似相如雄遂以此得見雄之自述者如
此李善取以注文選蓋庶幾得其實矣文選王文憲集
敘注引七略曰
子雲家牒言以甘露元
年生也案自宣帝甘露
元年計至成帝永始四
年正合四十餘年

東漢三公

困學紀聞云後漢太尉再入二人劉矩馬日磾三入一

人胡廣司徒再入二人魯恭胡廣司空三入一人牟融
志祖以後漢書攷之太尉再入者尚有劉寬司徒再入
者尚有楊賜至牟融則但於明帝時代伏恭爲司空無
三入事司空再入者四人黃瓊劉寵楊賜楊彪厚齋攷
之未盡

無錫侯

菽文類聚卷五十一引東觀漢記云明帝封太后弟陰
興爲鮦陽侯子傳灑強侯陰盛爲無錫侯案范書陰興
卒於建武時未嘗封侯明帝封陰興子慶疑卽盛爲鮦陽
侯慶弟博疑卽傳爲灑強侯無陰盛爲無錫侯事陰氏侯

者凡四人陰讖封原鹿侯興弟就封新陽侯并鮦陽潏
强爲四安得更無錫侯乎疑東觀記誤續漢書郡國
志吳郡無錫下云侯國蓋非陰氏封也再詳攷之

崔元

梅鼎祚書記洞詮載盧璩與崔元書曰豈有亂首抗巾
以入都城衣不在體而以適人乎昔戴叔鸞箕坐見邊
文礼此皆衰世之慢行也注曰元散騎常侍鴻子祕書
郎謀反逃竄赦免周嬰卮林駿之曰太平御覽簡傲門
應璩與崔元書云云在晉書上洞詮乃列之後魏爲盧
璩書盧璩於魏無所見若崔鴻子則名子元與此不合

惟崔寔字子真一名台字元始寔不拘細行休璉差及同時或與書箴之乎志祖案崔元始卒於靈帝初疑不與休璉同時此蓋別一崔元也若元始正與戴叔鸞邊文礼同時不得云昔

郭巨

郭巨之孝古今豔稱而後儒或疑其忍以爲賊恩之大

見柳南
隨筆

志祖案太平御覽卷四百十一引劉向孝子圖

曰郭巨分財兩弟已獨取母供養寄住鄰宅妻產男慮舉之則妨供養乃令妻抱兒欲掘地埋之於土中得金一釜上有鐵券云賜孝子郭巨巨還宅主宅主不敢受

遂以聞官官依券題還巨遂得兼養是郭巨之兒不終
埋也李瀚蒙求亦但云郭巨將阮何得遽譏其賊恩乎郭巨漢人事
亦見搜神記

黃香扇枕

王觀國學林云後漢黃香傳不載扇枕事陶淵明作孝
士傳贊曰黃香九歲失母事父竭力以致孝養暑月則
扇牀枕李瀚蒙求曰黃香扇枕注蒙求者引東觀漢記
曰黃香事母至孝暑月扇枕在淵明傳則云事父在東
觀記則云事母世患無所質證案後漢書黃香傳年九
歲失母思慕顛顛始不免喪鄉人稱其至孝年十二太

守劉護聞而召之辟門下孝子香家貧內無僕妾躬執
苦勤盡心奉養遂博學經典蓋本傳先云九歲失母後
云年十二太守召爲門下孝子盡心奉養則香猶有父
在而盡心奉養也然則香爲父扇枕可知矣志祖案東
觀漢記書已久佚今檢太平御覽七百七卷引黃香事
親暑則扇枕寒則以身溫席但云事親不細別父母蓋
文彊學林云東觀漢記字文儒天性孝成無妨九歲以前母在之時
亦扇枕溫席也至文彊之父葉令況見章懷注當文彊
拜尚書郎時尚在章帝賜臥几靈壽杖亦見東觀記御覽
七百七十卷可謂孝子之榮遇矣

田子春

陶淵明擬古詩聞有田子春節義爲士雄西溪叢語引漢書劉澤傳之田生注楚漢春秋云田生字子春爲證固非校者據魏志田疇字子泰以改陶詩亦非也田疇本字子春疇與春字義相協後漢書劉虞傳注引魏志正作子春則今本魏志泰字譌也何妨有兩田子春乎

梁曜北云水經鮑邱水注亦作子泰通正以爲史避諱作泰

子建八斗

李瀚蒙求云仲宣獨步子建八斗李義山詩亦有宓妃愁坐芝田館用盡陳王八斗才之句注家引南史謝靈

運曰天下才共一石曹子建獨得八斗我得一斗自古及今共用一斗奇才博識安可繼也今檢南史竝無此語唐以前書亦未見有引及此者

關公生日

今世以五月十三日爲關公生日攷吾鄉馮山公先生解春集中有關侯祖考名氏記云戊午解州有常平士于昌得碑於關侯故居之塔廟碑記侯之祖考兩世諱字生卒甲子大略曰侯祖石磐公諱審字問之和帝永元二年庚寅生居解梁常平村寶池里公冲穆好道以易春秋訓其子卒于桓帝永壽三年丁酉享壽六十八

子諱毅字道遠性至孝父歿廬墓三年旣免喪于桓帝
延熹三年庚子六月二十四日生侯侯長娶胡氏于靈
帝光和元年戊午五月十三日生子平據此則公之生
日乃六月二十四日而五月十三日爲公之子平生日
也然此碑出於近世恐不足據

潛研堂金石跋尾續載
元至正十二年關王廟

碑云荆楚之人相傳顯烈關王廟額六月二
十二日生昭貺王子平廟額五月十三日生

閻潛邛割記云世傳五月十三日爲關公生辰明會典
亦載之但云其八字爲四戊午則不可不辨公歿于獻
帝建安二十四年己亥史不言其壽元人胡琦攷之當
在六十上下果生於戊午則四十有二余不合一戊午

乃靈帝光和元年攷通鑑目錄是年四月庚戌朔五月無戊午不合二古人始生止記年月日不及時卽唐李虛中推命猶不以時見韓昌黎集安有公生東漢閒而傳其戊午時於千載下乎不合三

周將軍

讀書敏求記云關神座右塑立周倉像傳來甚久徧攷史書絕無其人僅見於小說傳奇那可爲據又如桓侯字益德內府板演義傳尚未之改而流俗本竟刊爲翼德豈不可笑志祖案山西通志云周將軍倉平陸人初爲張寶將後遇關公於臥牛山遂相從樊城之役生擒

龐德後守麥城歿之

順德府志與參軍王甫同歿

里居事跡卓然可

紀未可以正史不見其人而疑之也

元魯貞漢壽亭侯廟碑有乘赤兔兮

從周倉語

吳志魯肅傳載單刀會關公事肅語未究竟坐有

一人曰夫土地者惟德所在公何常之有肅厲聲呵之

詞色甚切所謂坐有一人者疑卽傳奇所演之周將軍

而史偶失其姓名公水經注云當陽縣城在綠水長坂

南卽張翼德橫矛處也亦作翼德或桓侯本有二字小

說非盡無稽也

宋本華陽國志六作蓋德

華譚

焦弱侯筆乘云水經注和夷底績卽西傾因桓之桓漢

書桓東少年場注桓楹卽和表和表又轉爲華表桓譚
新論隨志作華譚桓和華三字古通用志祖案書鄭康
成注和讀曰桓見釋文蓋和桓一聲之轉此古訓也僞
孔傳以和夷爲地名失之若和表之轉爲華表乃其名
稱各異而非必字之可通至華譚字令思晉書有傳著
書亦名新論正如劉晝新論之比豈獨一君山乎且字
卽可通而姓不可通如焦所說桓譚又可稱和譚耶攷
隨書經籍志桓譚新論十七卷華譚新論十卷二人二
書何焦氏之鹵莽也

顧虎頭

能改齋漫錄云歷代名畫記顧愷之字長康小字虎頭
晉陵無錫人攷世說顧愷之爲虎頭將軍每食蔗自尾
至本人或問曰漸入佳境則知虎頭非小字名畫記誤
志祖案長康此語見世說排調篇然竝無爲虎頭將軍
之文晉書本傳亦不言其嘗居此職也且虎頭將軍未
悉其爲何等官屬仍當以名畫記爲正荻文類聚甘蔗
類引世說有爲
虎頭將軍
軍語

蕭芝

事文類聚載蕭望之爲郎有雉數十常隨車翔集案漢
書望之本傳不載此事李瀚蒙求云朱博烏集蕭芝雉

隨蓋類聚誤以蕭芝爲蕭望之也太平御覽引蕭廣濟
孝子傳此事正作蕭芝但未詳何代人余杜少陵奉贈
蕭十二使君詩王鳧聊暫出蕭雉只相馴用此

阮簡

李瀚蒙求云阮簡曠達注家未詳案水經注渠水篇引
陳畱志云阮簡字茂宏爲開封令縣側有劫賊外白甚
急數阮方圍棋長嘯吏云劫急阮曰局上有劫亦甚急
其耽樂如是李語本此錄以補遺

陸德明孔穎達

唐初經學首推陸德明名朗以字行孔穎達然二人皆嘗仕

王世充陸爲國子助教孔爲太常博士世充令其子師
事陸德明就其家行束脩之礼德明稱病不語猶有媿
心若穎達之造禪代儀較之劇秦美新抑又甚矣以廁
儒林傳中能無貽後人口實乎

全謝山鮪埼亭外集中
有孔陸優劣論亦以陸

優爲

柴紹

通鑑一百九十六卷唐太宗圖功臣二十四人於凌烟
閣內有譙襄公柴紹注云柴紹當作許紹案柴紹尚高
祖女平陽公主以懿親而兼勳舊其功在許紹之上且
柴紹謚襄許紹雖亦封譙而未嘗賜謚也新唐書李愷

傳載凌煙閣功臣姓名有右驍衛大將軍駙馬都尉譙國公柴紹而無許紹可證注以爲當作許紹未詳所據

新書秦叔寶傳云荊州都督譙國公紹

褚文忠

杭之褚塘有褚河南祠土人以助聖廟呼之案公謚文忠見唐會要又唐彥卿集言褚河南之柩至咸通中始得蒙恩歸葬陽翟其時以平徐肆赦賜其孫八品官扶護以歸蓋文忠賜謚亦在此時而新舊唐書不載故後之人莫或攷焉予作楹帖書之俾易名大典昭示來茲他日榜席額曰褚文忠公祠庶乎其可也因附錄於此

云唐食褚塘大節一生垂史冊魂歸陽翟易名千載表
文忠

劉洎賜歿

褚公譖劉洎事新舊唐書通鑑並載之唯孫甫唐史論
斷力辨其誣足以雪文忠之冤今備錄之云伐遼之行
太宗諭劉洎輔翼太子之意洎有誅大臣之對時已責
其疎健太宗至自遼東不豫洎謁見而深憂之或言誅
大臣事亦與前疎健之語何異倘爲遂良所奏太宗疊
前怒殺之跡其事狀近于是矣若洎止憂聖體絕無它
語又引馬周自明周對與洎不異太宗何至偏信遂良

遽誅大臣乎況洎有罪而周隱之安得止罪洎而不責
周也蓋遂良後諫廢立皇后事以忠直被譴姦人從而
譖構之惟恐其無罪故劉洎之子訴冤李義府助之賴
樂彥瑋力辨其事遂良譖洎之言當出於此矣

唐伯虎

隨園詩話云宋史有唐寅名伯虎亦在文苑傳志祖案
宋唐庚字子西其兄名瞻字望之後名伯虎字長儒見
宋史文苑傳是宋之唐伯虎不名寅也先生偶誤記

黃六

張萱疑耀云京師句譌中譚語以給人者曰黃六蓋黃

巢兄弟六人巢爲第六而多詐譎故以爲詈也志祖案以唐史攷之黃巢之兄名存尚有弟鄴揆欽秉萬通思厚等則巢兄弟不止六人巢亦不行六也疑耀之說疑屬附會

寶利房

隨園隨筆云秦時西域沙門寶利房聘秦始皇囚之而飛去見法顯佛國記而正字通引之志祖案佛國記書已久佚不知從何處錄出也七修類彙卷二則云秦時沙門室利房等至始皇異而囚之夜有金人破戶以出亦未詳所出室與寶字異亦未審孰是也徐北溟云寶

字誤此事隨費長房歷代三寶紀作釋利防元念常佛祖歷代通載作室利防宋志磐佛祖統紀作室利房七修類稿蓋本之佛祖統紀也

萬回

通鑑

二百八

中宗神龍二年賜闐鄉僧萬回號法雲公胡

三省注曰萬回姓張氏初母祈於觀音像而妊回回生而愚八九歲乃能語雖父母亦以豚犬畜之其兄戍役於安西音問隔絕父母遣其問訊一日朝齋所備而往夕返其家父母異之宏農去安西萬里以其萬里而回因號萬回武后賜之錦袍金帶案唐徐堅有萬回法師

碑崔湜有孚通居士張萬回墓誌徐彥博有萬回神跡

記竝見趙明誠金石錄

新唐書睿宗子莊惠太子均傳初生武后以母賤欲不齒以示

浮屠萬回唐虢州閿鄉萬回傳見宋高僧傳卷十八

蘇小小

芥隱筆記引白樂天詩揚州蘇小小人道最天斜周嬰
卮林辨之云樂府錢唐蘇小小歌妾乘油碧車郎騎青
驄馬何處結同心西陵松柏下題曰小小南齊時錢塘
名娼也樂天楊柳枝詞蘇州楊柳任君誇更有錢塘勝
館娃若解多情尋小小綠楊深處是蘇家則亦以爲武
林人知揚州爲杭字之誤志祖案樂天餘杭形勝詩夢

兒亭古傳名謝妓樓新道姓蘇自注蘇小小本錢塘
妓人也小小之產錢塘甚明無緣忽以爲揚州近刻樂
天詩集和春深二十首正作杭字芥隱筆記所引或傳
寫偶誤不足辨也野客叢書卷七引白詩作莫言蘇小
小人道最天斜又不同

讀書脞錄卷之六

仁和孫志祖

用孔門弟子字

馮山公與俞德滋書云用孔門弟子字爲字者漢人多有之如杜欽杜鄴孔光萬章皆字子夏吾邛壽王王尊皆字子貢謝躬馬武皆字子張伏勝字子賤平當字子思鄭崇字子游爰曾字子路志祖案此所舉未盡也牛商梁相孫建張宏亦皆字子夏見漢書表張忠遂義亦皆字子貢同上劉岑同上許荆亦皆字子張見章懷注張猛亦字子游范延壽亦字子路百官表尚有何湯見桓榮傳注陳寔

皆字仲弓漢荊州從事苑鎮字仲弓見金石錄又漢許邈字顏回家訓風操篇吳丁固字子賤見吳志虞翻傳注

東漢二名

東漢承莽禁二名之後習非成是沿襲莫改史傳所載

名字並舉灼然知為二名者如蘇不韋字公先見蘇邛章傳

靈舉字季智見郭泰傳注馬日磾字翁叔見馬融傳注王延

壽字文考見王逸傳謝夷吾字堯卿東郭延年字公游並見方術

傳之類蓋無幾人劉盆子劉萬歲俱有傳伏無忌見伏梁

不疑見梁統傳劉駒駘見齊武王續及劉珍傳似是二名然已莫詳其

字矣此外系以伯仲叔季或子字卿字及君公者皆字

而非名由范蔚宗博采它書不究史例每好稱人字介
班史例書名然楊王孫字也王孫名貴見西京雜記

范書方術傳除謝夷吾東郭延年外若任文公樊志張

魯女生費長房薊子訓計子勳疑一人解奴辜麴聖卿

編盲意封君達名衡見神仙傳郝孟節名儉見博物志王和平此數人

者竝疑字非名公沙穆複姓公沙傳中俱稱穆可驗或

併數爲東漢二名者誤錢廣伯云蔡邕撰司徒袁公夫人馬氏碑銘云哀子懿達仁達

竝二名更爲兄弟排行之始

華陽國志漢中士女志云張亮則字元脩似二名者然

下文云畏則換臨其郡疑元脩本名則

父子同名

史繩祖學齋佔畢記父子同名者有襄陽隨處士羅君

墓誌云君諱靖父靖學優不仕水經林邑王范陽邁死

其子咄代立慕先君之德復名陽邁

亦見梁書林邑傳

蕭山汪

龍莊

輝祖

語予明人劉江父子同名見明史劉榮傳此事

之絕奇者也志祖案漢書王子侯表廣陵孝王子廣平

侯名德其子嗣侯者亦名德以宗室侯封而父子同名

尤可詫異然班史無譏顏氏不注疑今本漢書傳寫之

譌也

楊揚一姓

揚用修云芊楊揚陽本一姓揚子雲自以爲蜀無它楊其揚字不从木而楊修云吾家子雲亦同關西之楊特子雲好奇之過獨自標異尔志祖案漢書雄本傳據其自敍出於晉之楊侯而廣韵楊字注又姓出宏農天水二望自周楊侯後并於晉因爲氏也其揚字注不云又姓是古人但有从木之楊姓無从才之揚姓矣或譏修家子雲一語謂德祖自紊其譖牒者蓋失於不破杜子美壯遊詩云斯文崔魏徒以我似班楊謂班固楊雄也其下又押心飛揚則子美亦以子雲之姓从木矣故夏日楊長寧宅詩又曰醉酒楊雄宅

古今同姓名錄以子雲與隋觀王爲同姓

名亦
一證

陶淵明世系

陶淵明爲大司馬侃之曾孫見於晉宋書南史及昭明太子所作傳並載其祖茂武昌太守此無可疑者乃闕百詩之子詠著辨一篇誤讀陶集中贈長沙公族祖詩敍長沙公於予爲族祖以族字絕句又以同出大司馬改大爲右謂是漢之陶舍而非陶侃夫長沙公於予爲族旣不成句且與題所云族祖相戾矣愚謂長沙公不著名字必非士行之子爲淵明大父行者其改大司馬爲右司馬良是蓋以同出陶舍之後故云召穆旣遠介

觀命子詩敘長沙桓公之勲業而繼之以肅矣我祖於
穆仁考緊相承接淵明高士必非妄攀勲貴以它人之
祖爲祖者明白如此而可以臆說翻成案乎至淵明孟
府君傳云君諱嘉娶大司馬長沙桓公陶侃第十女或
陶侃二字爲孟氏後人所增未可知也全謝山疑淵明
爲侃七世孫亦
非

兩袁閼

後漢書黃憲傳郭林宗少游汝南過袁閼不宿而退進
往從憲累日乃還劉貢父云袁閼字奉高閼字夏甫此
下言奉高則閼當作閼志祖案字夏甫者乃袁安之元

孫汝南汝陽人潛身土室不應徵辟范書附袁安傳後
字奉高者別一袁閎見世說德行篇注引汝南先賢傳
汝南慎陽人辟太尉掾卒者也黃叔度亦慎陽人與袁
奉高同縣故郭林宗先過奉高而後見叔度閎之字奉
高取左傳高其閎閎之義至袁閎姓名亦見世說言語
篇其氏族爵里注未之詳也貢父蓋誤以兩袁閎爲一
袁閎字奉高爲汝南功曹見王龔
傳疑閎亦字奉高或閎一名閎

兩牟融

張文蘆螺江日記云漢兩牟融俱著書俱號牟子志祖
案後漢太尉牟融范書有傳撰牟子二卷見隨書經籍志儒

家至宏明集所載之牟子不云名融也當再破之

胡元瑞史

書估畢云二年融一漢太尉一漢布衣俱著書俱名牟子張說蓋本此

兩孫秀

敬齋古今註云孫秀有三誤也志祖破之止有二歸命

侯皓之從弟秀降晉爲驃騎將軍吳平降爲伏波將軍

見吳志孫匡傳注引晉諸公贊

卽晉書周處傳所云伏波將軍孫秀非

有二人也其一則趙王倫之黨以倫敗被誅

。兩孫炎

漢末孫炎字叔然康成門人注尔正三卷音一卷見經典釋文敍錄又有一孫炎撰尔正正義陸佃埤疋中引

之邢昺疏敍所云舊有高璉孫炎二家也未知是何代人要枉叔然之後朱竹垞經義攷誤以爲一人

兩孔明

抱朴子逸民篇云魏武帝刑法嚴峻果於殺戮乃心欲用乎孔明孔明自陳不樂出仕武帝謝遣之曰義不使高世之士辱於汙君之朝也案此乃魏之胡昭字孔明魏志附管寧傳後云太祖爲司空丞相頻加札辟昭往應命旣至自陳一介野生無軍國之用歸誠求去太祖曰人各有志出處異趨勉卒雅尚義不相屈卽此事也而胡氏史書佔畢乃云稚川去魏未遙孔明傳注俱不

載豈誤以魏之孔明爲諸葛武侯乎

案楊升菴引抱朴子於孔明上妄增

諸葛二字遂有曹操不屈孔明之說元瑞蓋襲其謬

元史同名

邵氏續宏簡錄凡例載元有九伯顏十五脫脫然以史證之實多疏略汪龍莊云邵錄於伯顏云一世祖時江西左丞一成宗時河南平章攷世祖紀至元二十九年有江西行省伯顏未嘗云左丞也三十年河南江北行省平章伯顏爲中書省平章政事蓋卽一人且河南平章亦非在成宗時也又云一文宗時左丞相一文宗時河南行省丞相一順帝時右丞相封秦王證以秦王本

傳實則一人而三之順帝時湖廣平章則紀傳無攷然

則合之世祖時平宋功臣

有傳

武宗時駙馬

武宗紀首止

四伯

顏也其子脫脫則云一烈祖曾孫一仁宗初遼王攷宗

室表烈祖子鐵木哥幹赤斤六世孫脫脫遼王則遼王

卽烈祖曾孫也一康里國族一英宗時南臺御史大夫

以康里氏傳證之亦一人也一仁宗時雲南王諸王表

無脫脫封雲南王者仁宗紀延祐元年諸王脫脫薨蓋

卽宗室表太祖子朮赤位寧肅王脫脫也

仁宗紀延祐四年諸王脫

脫駐雲南邵氏遂稱爲雲南王蓋誤

一劉國傑子則脫歡之誤一至正時

萍鄉州同知本史不載然則合之憲宗時皇族

宗室表太宗子

哈刺察兒位下有脫脫憲宗紀二年遷諸王脫脫于葉密立地是時所遷皆太宗子孫則此脫脫爲哈刺察兒也子蔑里乞部長太祖紀三年世祖時千戶世祖紀至元七年木華黎

元孫有傳

泰定時中書參議

文宗紀首

順帝時右丞相

有傳順帝

時翰林承旨

順帝至正十六年

至正中知樞密院事

順帝至正十七年

實止十脫脫也若見于元史而邵氏不及錄者伯顏則有武宗至大二年使八憐不孫使臣紀文宗至順元年

中興路人

紀

泰定四年江浙直省舍人

河渠志鹽官州海塘條

仁

宗延祐元年右衛副都指揮使

兵志鎮遏軍條

順帝至正十九

年參知政事

宰相表

特薛禪五世孫

特薛禪傳

世祖時拜要叛

黨伯帖木兒傳

至正時察罕帖木兒部將

察罕帖木兒傳

泰定時官

官

荅里麻傳

順帝時廉訪僉事

傳有

世祖至元時監察御史

桑哥

傳

其著姓者則又有完顏伯顏

紀成宗

徐伯顏

武宗至章

伯顏

順帝元統二年

周伯顏

順帝至正十二年

楊伯顏

達識帖睦爾傳

胡伯顏

余闕傳

高伯顏

高興傳

賀伯顏

賀勝傳

鄒伯顏

有移刺伯

顏孔全

二王伯顏

一文宗紀天歷元年一在忠義傳

也脫脫則有成宗

大德七年四川行省平章

紀

英宗至治二年駙馬

紀泰

定初監察御史

紀

泰定帝四年鷹師

紀

文宗天歷元年

四川省左丞

紀

順帝至正十五年親王

紀

至正二十八

年李思齊部將

紀

眞定昔寶赤

兵志馬政

武宗至大二年左

丞

宰相表

至大二年尚書左丞相

宰相表即脫虎脫與上左丞及廉里氏脫脫同

時三順帝至正二十五年平章政事宰相淮東宣慰使

人里傳只其著姓者則又有方脫脫順帝紀至正十九年也惟所云十

三脫歡一太祖五世孫安定王宗室表脫歡為太祖子闊列堅五世孫則距太

祖已六世矣一太宗侍臣耶律楚材傳一憲宗時札刺兒部人憲宗

年一九世祖時福州達魯花赤有一駙馬木安傳闊里吉思

一苦徹子苦徹拔都兒傳一成宗時參知政事成宗大德八年一哈刺

哈孫子哈刺哈孫傳一合丹孫成宗大德五年一仁宗時西臺中丞

明宗一泰定時治書侍御史文宗紀首一文宗初湖廣平章

文宗至順元年即劉國傑一順帝時僉樞密院順帝至正十七

年子天歷二年亦作劉脫歡皆見于史不誤然尚有世祖時鎮南王紀表成宗大

德二年西臺侍御史

紀

大德七年誣告諸王脫脫者

紀

仁宗延祐三年太尉

紀

順帝至正元年平章政事

宰相表

至正七年右丞

同

特薛禪曾孫

特薛禪傳

博尔忽子

博尔忽傳

朮

赤台曾孫

朮赤台傳

忙哥撒兒子

忙哥撒兒傳

相威孫

相威傳

朮羅

台子

朮羅台傳

至正時同知太常院事

太平傳

南臺御史大夫

泰不華傳

中統時軍士

張拔都傳

世祖時乃顏黨

王綽傳

世祖時廣

東按察使

合刺普華傳

至正時宣政院使

朴不花傳

又至順二年

王脫歡邵氏皆不及錄未免太略龍莊熟於史學著有

廿四史同姓名錄元史本證

叔姪稱父子

古人稱叔姪亦曰父子漢書疏廣傳父子並爲師傅謂廣爲太子太傅其兄子受爲少傅也後漢蔡邕傳陽球飛章言邕及質邕上書自陳如臣父子欲相傷陷晉書謝安傳朝議欲以謝元爲荊州刺史謝安自以父子名位太重質乃邕之叔父元亦安之兄子也世說文學篇江左殷太常父子並能言理謂殷融及兄子浩又通鑑卷一百十慕容護曰以子拒父猶可況以父拒子乎慕容德於寶爲叔父亦稱父子晉以後則罕見矣

門人不稱壻

韓昌黎之女先嫁李漢後改嫁樊宗懿見皇甫湜所撰

墓誌李漢編昌黎集稱門人而不稱壻蓋以此後宋黃
幹編朱子集明余祐編胡居仁居業錄俱沿襲用之誤
矣潛邱劄記以爲重道統而輕私親疑未必然

諡法無正字

錢竹汀唐書攷異云諡法無正字宋時避仁宗嫌名改
貞爲正唐會要所載諡正者皆貞也志祖案史記正義
所載諡法解本有內外賓服曰正與貞諡兩字竝列宋
世避諱廢貞諡不用然如王范司馬諸公疑本諡文正
非因諱貞字遷避也唐則貞正竝用魏文貞公本諡貞

宋璟亦諡文貞

新唐書不改正

疑耀云宋時諡文正者惟呂蒙正王欽若司馬光王曾范仲淹

鄭居中蔡卞陳康伯八人李昉王旦原諡文貞後避御諱世遂呼爲文正公

唐人避諱

唐李賀以父名晉肅不得舉進士韓文公雖作諱辨而賀終不得舉也予讀唐律疏義名例三有一條云諸府號官稱犯父祖名而冒榮居之疏義曰假有人父祖名常不得任太常之官父祖名卿亦不合任卿蓋此風起于六朝而唐人因之懸諸律令其初本避父祖名之本字後乃并其嫌名而亦避之矣不知何時始刪除也唐新書韋臯兄臯避秘書郎以父嫌名換太子司議郎賈曾傳父言忠曾擢中書舍人以父嫌名不拜進復戶部尚書統軍長史舊史謂行軍長史五代史劉德宗以復父諱更之案復父名衡亦避嫌名

胸傳唐明宗崩太常卿崔居儉以故事當爲祀儀使居儉辭以祖諱螽則五代時猶相沿未改矣

古三字字

古人一字字者多三字字者少王阮亭池北偶談及徐位山管城碩記所記數人外予之所知者尚有張天錫字公純嘏崔宏度字摩訶衍又興唐寺主尼法澄字无所得見開元十年塔銘神和子姓屈突名無爲字無不爲見續博物志盧抱經先生云宋遺民有千載心者亦三字字也

阿奴

晉書周顗傳弟鬲嘗因酒腹目謂顗曰君才不及弟何

乃橫得重名以所然蠟燭投之顗神色無忤徐曰阿奴

火攻固出下策尔

亦見世說雅量篇

案阿奴爲周顗次弟謨小

字見周顗母李氏傳世說方正篇周叔治

謨字

作晉陵太

守周侯

顗卽顗

臨別撫其背曰阿奴好自愛注亦云阿奴謨

小字此顗又以呼暘則非小字也蓋晉世人通稱弟爲

阿奴尔

阿戎

杜少陵爲征南十三世孫

見祭遠祖當陽君文

位乃少陵從弟集

中有送柏二別駕因示從弟行軍司馬位及藥雨入行

軍六弟宅詩可證而杜位宅詩守歲阿戎家或以爲用

王戎事指位爲姪非也南史王思遠傳王晏曰隆昌之末阿戎勸吾自裁阿戎蓋思遠小字思遠爲晏從父弟杜詩用此胡三省通鑑注晉宋閒人多謂從弟爲阿戎姚際恆庸言錄謝靈運稱弟惠連爲阿戎曰阿戎才悟如此不當以常兒遇之子美詩正用靈運語也

太牢少牢

馮山公書野客叢談後引漢書外戚傳許后疏語證以特牛爲太牢西漢時已然志祖案牛羊豕皆具曰太牢而以牛爲主少牢無牛有羊豕而以羊爲主大戴禮曾子天圓篇云諸侯之祭牲牛曰太牢大夫之祭牲羊曰少牢據此則以牛爲太牢羊爲少牢其來古矣

儀礼少牢饋食

礼疏云一牲卽不得牢名故郊
特牲與士特牲皆不言牢也

古衣冠不忌白

古人居喪不脫衰經衣冠竝以麻爲之其時但以衰經
爲凶服衣冠不忌白也沿及唐代猶以白紗帽爲視朝
聽訟宴見賓客之服樂府白紵歌質如輕雲白如銀製
以爲袍餘爲巾杜詩狂遺白接籬白帽岸江臯皆可爲
不忌白之證雲谷雜記言之甚詳唯引管寧不應州縣
辟常著白帽案今魏志管寧傳乃作阜帽豈張誤所見
宋本有異乎

杜詩阜帽應兼似管
寧一本作白帽非

孔子無須

何孟春餘冬序錄卷二十六引孔叢子子思告齊君言
吾先君生無須眉而天下王侯不以此損其敬疑石刻
唐吳道子畫須髯爲誤後世據爲偶塑勿加攷正志祖
案今孔叢子居衛篇子思言吾性無須眉是無須者乃
聖胄與序錄所引不同豈今本孔叢子誤邪

須灰

須灰未聞療疾而舊唐書李勣傳云時遇鼻疾驗方云
須灰可以療之太宗乃自翦須爲其和藥新唐書同使須灰
可治則勣嘗因姊病爲粥而燦其須何不自翦而乃索
之至尊邪白樂天七德舞詩云翦須燒藥賜功臣李勣

嗚咽思殺身自注云李勣嘗疾醫云得龍須燒灰方可療之太宗自翦須燒灰賜之服訖而愈此爲近實乃知新舊史少一龍字意便不明也大唐新語亦云勣嘗有疾醫診之曰須龍須方可太宗翦須以療之服訖而愈雲谷雜記云二史但據吳兢等所記不復芻攷遂至於謬

丈夫乳子

丈夫乳子此事理之所無而後漢書獨行傳云李善本同縣李元蒼頭元家相繼死叔唯孤兒續始生數旬善親自哺養乳爲生湏新唐書卓行傳云元德秀兄子襁

祿喪親無資得乳媪德秀自乳之數日湮流能食乃止
愚謂此皆史家采自小說不察虛實而書之未可信也
大唐新語孟景休弟景禕年在襁褓景休親乳之又云
畢構初丁繼母憂其蕭氏盧氏兩妹皆在襁褓親乳之
乳爲之出

秦人蜀老

史通曲筆篇云秦人不死驗苻生之厚誣蜀老猶存知
葛亮之多枉注家未詳案洛陽伽藍記有趙逸者年百
餘歲言曾親見秦王苻生竝不好殺言其酷者皆苻堅
弑生後附會之詞蜀老事見魏書毛脩之傳

長兼

六朝官制有長兼之稱蓋如今人之題署而未實授非
一時暫攝者比也晉書劉隗傳太興初長兼侍中孔愉
傳長兼中書令南北史列傳中屢見之南齊書王儉傳
昇明二年爲長兼侍中南史長下
衍史字並可證錢竹汀云假
職未眞授之兼讀去聲古念反一人兼兩職之兼古恬
反字同音異

制科

沈作喆寓簡云予中進士科後從石林於卞山予時欲
求試博學宏詞石林勉予曰宏詞不足爲也宜畱心制
科工夫據此則宋世所謂博學宏詞非制科也近人稱

博學宏詞爲制科者蓋制舉無常科所以待天下之才
傑以天子親策之故謂之制科博學宏詞科則南宋高
宗時始有此名三歲一試與制舉之無常科者異然亦
必召試定等而後授官則亦可謂之制科也宋史選舉
志以博學宏詞入制科條下

○ 添注塗改

近時鄉會試卷末行書添注塗改共若干字以防倩人
竄改之弊案宋孫奕示兒編云今進士書試卷末云添
注乙共計若干字則此制自宋有之元史選舉志塗注
乙五十字以上者不考蓋沿宋制也

納採用鴈

說文隹部雁字云知時鳥也

今本脫知時二字

鳥部鴈字云鵞

也二字本不通用昏礼納採用鴈自是舒鴈而鄭注乃云用鴈爲擊者取其順陰陽往來意指知時之鳥是混雁鴈而一之矣今人以雁不可常得遂以木雁代之不知昏礼擊當用生無取乎以陽鳥爲擊也

。漢律攷

漢高入關約法三章殺人者死傷人及盜抵臯調削煩苛與民更始其後蕭何作律九篇蓋因李悝法經六篇而益以事律廋戶三篇叔孫通益律所不及爲傍章十

八篇此後世言例之始然大略猶闕疏也至武帝時用
張湯趙禹之屬條定法令作見知故縱監臨部主之法
禁罔寔密律令凡三百五十九章大辟四百九條千八
百八十二事死臯決事比萬三千四百七十二事見漢書刑
志法沿及東京代有增損盜律有賊傷之例賊律有盜章
之文興律有上獄之法廢律有逮捕之事叔孫宣郭令
卿馬融鄭康成諸儒各爲章句見晉書刑法志其書久佚今世
所存唐律疏義猶有漢律遺意予嘗欲取經史注及說
文諸書之引漢律者輯爲一書而因循未就今就記憶
所及敘其梗槩如左

書微子正義云漢魏以來著律皆云敢盜祭祀宗廟之物無多少皆死周礼春官冢人注列侯墳高四丈關內侯以下至庶人各有差大胥注大樂律曰卑者之子不得舞宗廟之酎除吏二千石到六百石及關內侯到五大夫子先取適子高七尺續漢百官志注作五尺以上年十二到年三十顏色和順身體脩治者以爲舞人典路注漢朝上計律陳厲車于庭疏云漢朝集使上計律法謂上計會之法秋官朝士注無故入室宅廬舍上人車船牽引人欲犯法者其時格殺之無辜疏云先鄭舉漢賊律案此卽今律所謂夜無故入人家登時殺之勿論也司刺注過失殺人不坐死又年未滿八歲八十以上非手殺人

他皆不坐庶氏注賊律曰敢蠱人及教合者棄市凡記
內則注藪煎茱萸也漢律會稽獻焉雜記下注弃妻界
所齎左傳宣三年注淫季父之妻曰報公芊桓六年注
立子姦母見乃得殺之也莊十年又昭三十一年注一
人有數辜以重者論之閔元年注親親得相首匿文十
六年注無上非聖人不孝者斬首梟之無營上犯軍法
者斬要殺人者刎頭宣元年注行言許受賂襄七年注
古者保辜辜內當以弑君論之辜外當以傷君論之疏
依漢律依漢律尔正釋獸注捕虎一購錢三千其狗半之邵氏正義云此
引漢律周礼大司馬注誓曰無干
車無自後射疏云此據漢田律而言

漢書高帝紀注吏二千石有予告有賜告又年二十三傳之疇官各從其父疇學之高不滿六尺二寸以下爲罷癭又四馬高足爲置傳四馬中足爲馳傳四馬下足爲棗傳一馬二馬爲輶傳急者棗一棗傳惠帝紀注有斗食佐史又人出一算算百二十錢唯賈人與奴婢倍算文帝紀注三人以上無故羣飲酒罰金四兩又律說都吏今督郵是也閑惠曉事卽爲文無害都吏景帝紀定鑄錢僞黃金棄市律又注大逆不道父母妻子同產皆棄市又律所謂矯枉以爲吏者也又諸當占租者家長各以其物占占不以實家長不身自書皆罰金二斤

歿入所不自占物及賈錢縣官也昭帝紀注律所謂繇
戍也又律說卒踐更者居也居更縣中五月乃更也後
從尉律卒踐更一月休十一月也宣帝紀注律名爲復
作也又非始封十減二又律名爲籛又囚以飢寒而死
曰頻成帝紀注丞相大司馬大將軍奉錢月六萬御史
大夫奉月四萬平帝紀注諸當藥傳及發駕置傳者皆
持五寸木傳信封以御史大夫印章其藥傳參封之參
三也有期會累封兩端端各兩封凡四封也藥置馳傳
五封也兩端各二中央一也輶傳兩馬再封之一馬一
封也諸侯王表武作左官之律又注律鄭氏說封諸侯

過限曰附益景武昭宣元成功臣表注矯詔大害要斬
有矯詔害矯詔不害又律說出臯爲故縱入臯爲故不
直外戚恩澤侯表注諸爲人請求于吏以枉法而事已
行爲聽行者皆爲司寇百官公卿表注都水治渠隄水
門又司空主水及臯人溝洫志注律說戍邊一歲當罷
若有急當畱守六月又平賈一月得錢二千吳王濞傳
注春曰朝秋曰請高五王傳贊注諸侯有臯傳相不舉
奏爲阿黨申屠嘉傳注律有蹶張士淮南厲王傳注有
臯失官爵稱士伍汲黯傳注朝市吏民不得持兵器及
鐵出關又眞二千石月得百五十斛歲凡得千八百石

尔二千石月得百二十斛歲凡得一千四百四十石尔
杜延年傳注營軍司空軍中司空各二人陳萬年傳注
主守而盜直千金棄市趙充國傳注律所謂營軍司馬
中也平當傳注稻米一斗得酒一斗爲上尊稷米一斗
得酒一斗爲中尊粟米一斗得酒一斗爲下尊馮野王
傳注吏二千石以上皆歸歸寧道不過行在所者便道

之官無辭

文選陸士衡謝平原
內史表注作無問

又律施行無不得去郡

之文辭宣傳鬪以刃傷人完爲城旦其賊加臯一等與
謀者同臯又注以杖手毆擊人剝其皮膚腫起青黑而
無創瘢者律謂痕宥遇人不以義爲不直翟方進傳注

殺不辜一家三人爲不道揚雄傳注不爲親行三年服
不得選舉酷吏義縱傳注諸囚徒私解脫桎梏鉗赭加
梟一等爲人解脫與同梟匈奴傳注近塞郡皆置尉百
里一人士史尉史各二人巡行徼塞又逗遛不進注律
語也以上律高帝紀注金布令曰不幸死死所爲櫛傳歸
所居縣賜以衣棺也文帝紀注秩祿令姬內官也秩比
二千石位次婕妤下在八子上宣帝紀注令甲死者不
可生刑者不可息哀帝紀注令甲諸侯在國名田他縣
罰金二兩平帝紀注令甲女子犯梟作徒如六月顧山
遣歸說以爲當于山伐木聽使入錢顧工直故謂之顧

山百官公卿表注品令曰若盧郎中二十人主弩射刑法志著今年八十以上八歲以下及孕者未乳師朱儒當鞠繫者頌繫之又諸年八十非誣告殺傷人它皆勿坐又定今年未滿七歲賊鬪殺人及犯殊死者上請廷尉以聞得減死張釋之傳注宮衛令諸出入殿門公車司馬門者皆下不如令罰金四兩又乙令蹕先至而犯者罰金四兩霍光傳注高后時定令輒有擅議宗廟者弃市鮑宣傳注令諸侯有制得行馳道中行旁道無得行中央三丈也何並傳注公令吏死官得法賻蕭望之傳注令郡國官有好文學敬長蕭政教者二千石奏上

與計偕詣太常受業如弟子也孔光傳令犯法者各以

法時律令論之

以上

後漢書章帝紀律云掠者唯得榜

笞立又十二月立春不以報囚陳寵傳亡逃之科憲令
所急通行飲食舉致大辟注通行飲食猶今律云過致
資給與同臯也孔融傳臯人交關三日以上皆應知情
續漢書孔儀志注酎金律文帝所加以正月旦作酒八
月成名酎酒因合諸侯助祭貢金又金布令曰皇帝齋
宿親帥羣臣承祠宗廟羣臣宜分奉請諸侯列侯各以
民口數率千口奉金四兩奇不滿千口至五百口亦四
兩皆會酎少府受又大鴻臚食邑九真交趾日南者用

犀角長九寸以下若瑋珎甲一鬱林川象牙長三尺以上若翡翠各二十準以當金魏志毛玠傳罪人妻子沒爲奴婢黥面

說文敍廷尉說律至以字斷法苛人受錢

晉書刑法志令乙有阿人

受錢呵

與苛同示部祉字注祠祉司命艸部藟字注會稽獻藟

一斗

亦見礼記內則注

竹部簞字注小筐也貝部貲字注民不

徭貲錢二十二舟部舳字注船方長爲舳舻牙部𪔐字

注能捕豸𪔐購百錢水部潛字注及其門首洒潛魚部

鮪字注會稽郡獻鮪牆三斗女部威字注婦告威姑嫜

字注若律令傷人保嫜也妍字注齊人與妻婢姦曰妍

舛字注見舛變不得入祠糸部舛字注揚雄以爲漢律
祠宗廟丹書告舛字注綺絲數謂之舛布謂之總綬組
謂之首縵字注賜衣者縵表白裏田部縵字注縵田林
草

列女

珠崖二義傳法

內珠入于關者

初學記漢律吏五日得一休沐

死

唐律疏義

唐律疏義三十卷永徽中長孫無忌等撰每卷末有王
元亮釋文首載無忌等進律疏表其注語蓋亦出元亮
之手表文有體國經野御辨登樞語御辨二字無注案
御六氣之辨見莊子庾信詩虛無推御辨及御辨誠膺
錄維皇稱有建皆用之又云五樓之羣爭回地軸十角

之旅競入天田五樓後漢初諸賊名號十角見後漢書
南匈奴傳論卽傳所稱四角六角皆單于子弟也

唐律疏義後附圖蓋後人增加非長孫無忌等所定也
據律疏義表題永徽四年進而五服圖內婦爲舅斬衰
三年子爲母齊衰三年攷婦爲舅姑儀礼喪服本期後
唐始改三年父在爲母亦期高宗上元元年武后上表
請服三年當永徽時俱尚未改也

家譜載唐勅

子家舊有鈔譜不知何人所輯譜首載唐大將軍孫岳
勅云勅尔武略將軍孫岳國家自乾符唐僖宗年號以來有

冤句黃巢與濮川王仙芝連年攻陷州郡致朕播遷今
仙芝大敗於黃梅已爲招討曾元裕所斬何巢賊愈肆
猖獗僭號齊而南方山谷之窮民復嘯聚劫掠使黔首
無辜羅於鋒鏑甚爲可憫今尔渡江而南奄有成績朕
甚嘉焉特進尔階爲武大夫金吾大將軍統領部下精
銳凡有奸慝暴亂悉先誅戮然後奏聞若遇勦賊務協
諸將戮力同心大加誅殺俾南方底定而國乂安則尔
有莫大之功朕當隆非常之報可依前件勅書如右符
到奉行太尉兼中書令臣王鐸司空兼門下侍郎平章
事臣鄭畋宣奉司勳員外知制誥臣崔澤大唐廣明

乾符

七年改元廣明元年拾月八日下勅命之寶行書令史張安仁

譖又云大將軍始遷餘姚之梅川後地名孫境其墓卽

名大將軍墓案苦之事實於新舊唐書無攷五代史唐

明宗紀贊云詔書褒廉吏孫苦等以風示天下疑非此

大將軍也舊五代史孫苦傳天成中爲潁耀二州刺史

據唐書王仙芝攻洪州爲招討使宋威戰敗殺仙芝傳

首京師通鑑二百五十三則云勅以宋威久病罷招討還青

州以曾元裕爲招討使曾元裕奏大破王仙芝於黃梅

殺五萬餘人追斬仙芝傳首通鑑從實錄與此勅合然

勅所載年月時事亦多參錯據僖宗紀及黃巢傳巢之

據潼關入京僭號大齊及僖宗出幸山南竝廣明元年
十二月事不應勅書於廣明元年十月已有致朕播遷
及僭號齊之語時黃巢方渡河而北何以苦反得渡河
而南奄有成績且以侍中王鐸檢校太尉中書令及以
鳳翔節度使鄭畋守司空門下侍郎同平章事竝在中
和元年廣明二年七月改元何以勅於廣明元年已列銜如此竝
屬可疑大抵譖牒多不足信未可據此以駁史傳也

讀書脞錄卷之七

仁和孫志祖

山海經銘

郭璞山海經注開引銘語盧抱經學士云此銘乃古來相傳或銘於鼎者與郭氏自爲贊不同西山經沙棠木注引銘曰安得沙棠刻以爲舟汎彼滄海以遨以遊又窮奇獸注引銘曰窮奇之獸厥形甚醜馳逐妖邪莫不犇走是以一名號曰神狗東山經蜚獸注引銘曰蜚之爲名體似無害所經枯竭甚於鳩厲萬物斯懼思爾遐逝中山經跂踵鳥注引銘曰跂踵爲鳥一足似夔不爲

樂興反以來悲

几銘口字

柳南隨筆載周元亮

亮

錢爾弼

陸燦

俱云周武王几銘皇

皇惟敬口口

本不生

垢口戕口四口字乃古方圈蓋缺

文也今作口字解大誤志祖案大戴礼盧辯注云言口能害口也几者人君出令所依故以言語爲戒也據此則古本正作口字非闕文方圈明矣周錢兩先生說不知何本

石鼓

金荏平馬子卿定國斲石鼓文爲字文周氏物近人多

從其說汪韓門有攷見文集中周耕厓著避暑雜錄以爲此鼓當作於周武帝時辨證極詳而其友人俞潛山名思謙駁之曰鼓文旣刻於周保定元年辛巳下距唐永徽顯慶不過百年以百年以內之物竟仞作千二百年以上之物恐唐初諸鉅公未必憤憤至此可疑者一秦漢以下碑銘皆書年月三代時則無之此文有日而無年月以爲在秦後可疑者二關中至岐陽不過三百里卽以吉行日三十里計之亦十日必到何以丙申至丁巳越二十餘日則日月終未盡符可疑者三桺可貫魚花則亞谷皆春時景十一月安得有此可疑者四字

讀書腔錄

卷七

文都長安在汧岐之東何以言駕言西歸此可疑者五
前人以為文成宣及始皇者固未見確據且其都皆在
岐東與西歸不合馬氏以為宇文恐亦未見其必然也
史記秦文公三年東獵汧渭之間水經注亦引其文於
汧水下而盛言汧水之多魚與鼓文言漁于汧水適合
疑此文出於秦文公也文公三年為周平王八年時籀
文方盛行故文多籀文而文公四年始遷都汧渭之間
其時尚居秦州西垂宮故曰西歸且其詩亦與車鄰駟
鐵小戎諸篇相近曰天子永寧燕樂天子來嗣王始等
語皆祝平王之詞若北周時籀文之傳者不過說文所

載百十字而已而石鼓籀文多在說文之外又何據邪
志祖案此說甚辨然則馬氏之說雖不傳可矣汪容夫述學中
辨亦有

太上感應篇

世傳太上感應篇不著撰人名氏隨唐兩志俱不載案
晉書慕容皝載記皝雅好文籍勤於講授學徒甚盛至
千餘人親造太上章以代急就疑卽今之感應篇也潛

劉記云太上感應篇宋理宗命
鄭清之作敍自是始大行於世

顏之推賦語

北齊顏之推傳載其觀我生賦有云畱釧之妻人銜其

言月金 卷一
斷絕擊磬之子家纏其悲愴近注此賦者不能詳案太平御覽七百十八卷引晉記云王達妻衛氏太安中爲鮮卑所掠路由章武臺畱書并釵釧訪其家庾信賦章臺畱釧正用此事擊磬之子見呂氏春秋精通篇

宗懷詩

楊升庵丹鉛錄云宗懷春望詩都尉新移棗司空始種楊都尉移棗蓋用漢菽文志有尹都尉移植棗杏梅李法司空種楊則用淮南子時則訓三當作月司空其樹楊也志祖案漢書菽文志農家尹鄰尉書十四篇竝無移植棗杏梅李之法此詩亦用時則訓十一月官都尉

其樹聚尔升庵既知司空種楊之出淮南而於上句乃
謬引菽文志何邪

韓詩用虞翻事

昌黎贈劉師服詩云憶昔太公仕進初口含兩齒無贏
餘虞翻十三比豈少遂自惋恨形於書蓋言虞翻齒落
僅存十三然比之太公兩齒未爲少也故方崧卿云虞
翻吳志止載其上書謂臣年耳順髮白齒落無十三齒
之明文也顧俠君乃引吳志翻年十三客有候其兄者
不過翻翻追與書云公詩用此疑崧卿祇引髮白齒落
語而不及此爲未之見豈以十三爲年十三歲少爲少

壯邪然攷吳志是年十二非十三歲也且十三歲而云
豈少壯不可通矣

荆公詩

七修類稿云周公恐懼流言日王莽謙恭下士時假使
當年身便歿一生真僞有誰知諸書引者皆以爲荆公
之詩臨川集不載不知何人著也以格律論之亦必宋
人余案此白香山詩郎氏偶失記明劉定之劉氏雜志
引此四句亦誤以爲荆公詩

王庭筠詩

金王庭筠有石刻游黃華山寺四絕句云帝遣名山護

此邦千家瑟瑟嵌西窗山僧乞與山前地招客先開四

十

石刻作卅字

雙挂鏡臺西挂玉龍半山飛雪舞天風寒雲

直上三千尺人道高歡避暑宮王母祠東古佛堂人傳
棟宇自隨唐年深寺廢無僧住滿谷西風染葉黃手拄
一條青竹杖真成日挂百錢游夕陽欲下山更好深林
無人不可畱後有明庶吉士太和李元陽跋云右詩金
翰林修撰王庭筠書庭筠字子端河東人登大定十六
年進士章宗明昌元年召試館職中選尋罷歸路出隆
慮游黃華山寺愛其幽絕因買田終焉自號黃華老人
作詩十餘首鐫之山石世傳其四書法追米元章與趙

馮趙秉文俱名家云云志祖案王庭筠金史有傳其游黃華山寺未久卽召爲應奉翰林文字出入禁近十年兩任翰林修撰以終所謂買田終老者特虛語尔士大夫才名太盛其能享林泉之樂者幾人哉

汪鈍翁文誤

汪鈍翁不知犀首卽公孫衍作文旣用公孫衍又於蘇秦張儀下別出犀首爲世嘲笑乃於它文曲護前非云班固不知士會范武子爲一人不害其爲良史鄭康成不知周時有兩公孫龍不害其爲大儒司馬相如不知枇杷之卽爲盧橘不害其有詞賦名意以此自解也志

祖案班固古今人表以士會范武子爲二人誠誤至史記弟子列傳集解引鄭云公孫龍楚人原未嘗誤以爲六國時趙之公孫龍也張守節正義始誤以爲一人鈍翁乃移而屬之康成乎枇杷與盧橘亦非一物盧橘黑色果也蓋鈍翁於攷據之學本疏故一誤再誤乃尔

草書

顧亭林日知錄云褚先生補史記三王世家謹論次其眞草詔書編於左方是則褚先生親見簡策之文而漢武時詔卽已用草書也魏志劉廙傳轉五官將文學文帝器之令廙通草書則魏漢之間箋啟之文有用草書

者矣志祖案後漢北海王睦善史書及寢病帝驛馬令
作草書尺牘十首尤可爲漢魏箋啟用草書之證顧氏
偶未引及

趙文敏書

姚氏際恆庸言錄云杭之扁額趙文敏書致多以被燬
日零落予少時猶見貢院木牌坊明經取士四大字及
竹竿巷白澤廟扁今皆無存所存者僅法相寺左廂伽
藍殿扁虎跑寺之虎跑泉扁雲居寺長廊中雲居二字
扁而已

今白澤廟扁是
顧且菴先生書

回波詞

通鑑

二百九

唐中宗宴侍臣使各爲回波詞諫議大夫

唐大

新語作給事中舊唐書李懷遠子景伯景龍中爲給事中遷諫議大夫

李景伯曰回波

尒時酒卮微臣職在箴規侍宴旣過三爵喧譁竊恐非儀

日知錄云劉肅大唐新語曰回波詞持酒卮首二句三

言下三句六言蓋回波詞體也通鑑作回波尒時酒卮

恐傳寫之誤志祖案舊鈔本大唐新語亦作回波尒時

酒卮疑此體通首皆六言今本大唐新語誤尒日知錄

說非是

舊唐書亦作回波尒時酒卮

叶韻不始于吳棫

往歲集西湖葛林園梁曜北以叶韻不始吳棫發問坐

客俱無以應近讀 欽定四庫全書總目題小學類古

韻讀五卷

明龔黃撰

之語始釋然也因備錄如左云攷叶韻

之說始於梁之沈重

見經典釋文

後李善注文選始稱協音

顏師古注漢書始稱合音協與合卽叶之說也陸德明
經典釋文謂古人韻緩不煩改字其說至當吳棫書展
轉牽合皆臆說也

王羲之小學篇

顏氏家訓書說篇云陳字唯王羲之小學章獨阜旁作
車近江陰趙氏曦明注本王羲之改作王羲云隨書經
籍志小學篇一卷晉下邳內史王羲撰諸本皆作王羲

之乃妄人謬改而佩觿及唐志皆從之失攷之甚志祖
案王羲之爲會稽內史非下邳故注以爲誤然王羲之
小學篇亦見北史任城王雲傳安知非隨志誤邪恐當
仍以舊本爲是

商歌

甯戚商歌今人習聞南山白石之詞出於應劭者

本劉向別

錄

爲世所傳誦文選嘯賦注又載一歌曰出東門兮厲

石班上有松柏兮清且闌粗布衣兮縕纓時不遇兮堯
舜牛兮努力食細草大臣在側吾當與爾適楚國蓋
出許慎淮南注也又呂氏春秋舉難篇甯戚擊牛角疾

歌高誘注云歌碩鼠也後漢書馬援傳注引說苑甯戚
飯牛於康衢擊車輻而歌碩鼠今本說苑善說篇碩鼠
二字譌作顧見梁孝廉處素嘗訂正之

九辯

焦竑筆乘以九辯爲屈原所自作引直齋書錄解題載
離騷釋文首騷經次九辯王逸九章注云皆解於九辯
中則釋文篇第蓋舊本也決無宋玉所作攙入原文之
理志祖案王逸敘明云九辯者楚大夫宋玉之所作也
文選亦以宋玉九辯列於屈子卜居漁父之後釋文舊
本自誤余注云皆解於九辯中不必定九辯在前也焦

氏因此遂以九辯爲屈子所作非也林西仲又以招魂爲屈子自作亦誤或以史記屈原傳贊云余讀離騷天問招魂哀郢悲其志謂當從林說予以爲不然蓋屈子所作本名招魂後人以宋玉又有招魂之作故以此爲大招史公所云招魂卽大招也至宋玉所作又名小招魂見張載魏都賦注

上林賦

王觀國學林云司馬相如子虛賦中雖言上林之事然首尾貫通一意皆子虛賦也未嘗有上林賦而昭明太子編文選乃析其半自亾是公所然而笑爲始以爲上

林賦誤矣志祖案以史記漢書司馬相如本傳攷之相如著子虛賦在游梁時後武帝讀而善之召問相如言此乃諸侯之事未足觀請爲天子游獵賦賦成奏之其詞卽文選所載二篇是也以子虛發端實非子虛賦本文子虛賦帝已讀之矣何庸復奏乎蓋此賦但當名上林賦不當名子虛賦昭明誤分而以舊題加之今學林以爲首尾貫通一意是也其云皆子虛賦未嘗有上林賦則誤文選西都賦李善引張揖上林賦注珉石次玉也

子虛賦

琳珉

又引翡翠大小如爵雄赤曰翡雌青曰翠

子虛賦錯翡翠之威縈

皆出子虛賦語而總名上林可證唐初別

本標題猶不誤也

髥奴文

王楸野客叢書云古文苑所載髥奴詞乃黃香所作非王褒也褒所著者僮約介志祖案文心雕龍書記篇云王褒髥奴則券之楷也李善東京賦注引王褒責髥奴文與劉勰合非僮約之誤古文苑晚出不足據也

疑耀非李贄著

疑耀七卷乃張萱撰舊題李贄者誤也王阮亭古夫于亭雜錄以書中有校祕閣書及脩玉牒語又一條云余鄉海忠介公云云證爲萱作志祖案此書第三卷明云

衰慈八十膝下止萱一兒宦遠祿微不能迎養則其爲
張萱無疑并未嘗托名於贄也不知何人僞撰萱敘遂
以其書移而屬之於贄也亦類於作奏之忘去葛龔矣

古書重文

大戴孔誥志篇此謂表裏時合楊慈湖先聖大訓表裏
作表表裏裏蓋當是此謂表裏表裏時合也丁小山云
古書重文表二裏二如今人書何二如二千二萬二之
例此篇上文動衆及四代篇之庶虞虞戴德篇之諸侯
之教士皆其例也校者不知或誤刪其重文志祖案詩
羔羊委蛇釋文云讀此句當云委蛇委蛇沈讀作委委

蛇蛇蓋其所書必本作委二蛇二故沈得異讀也攷工
記轉注則利準利準則久先鄭重讀後鄭不重亦同此
例

碑銘變例

北史樊遜傳魏收爲庫狄干碑敍令樊孝謙作銘陸邛
不知以爲皆收作蓋古人碑文前敍後銘不盡出一人
之筆也唐工部尚書來曜碑張鎬撰敍蕭昕撰銘南唐
徐鉉徐鍇爲人誌墓亦一撰敍一撰銘竝同此例近見
王光祿鳴盛跋葉水心集云獨孤及至之毗陵集有正
議大夫右散騎常侍贈刑部尚書墓志銘至之作志尚

書右丞賈至幼鄰作銘蘇許公瓌墓碑盧藏用作敘呂
向作頌皆一文而兩人共爲之水心作陳同甫王道甫
志兩人共一銘眞希元跋永嘉葉公著作正字二劉公
志二劉亦同一銘者此文章之變例王止仲所未及舉
也

墓表用銘

古文墓志神道碑有銘墓表無銘此定例也近杭堇浦
先生道古堂集中墓表亦有用銘者未審標題之誤抑
別有例乎當質之知者

廓落帶

魏志王粲傳注引典略文帝嘗賜劉楨廓落帶或疑廓落之義志祖案漢書匈奴傳黃金飾貝帶一注張晏曰鮮卑郭洛帶瑞獸名也此廓落帶當卽郭洛帶余亦見淮南主術訓注

鵲起

六朝人用鵲起二字爲美詞謝靈運述征賦

見宋書本傳云

初鵲起於富春果鯨躍於川湄文選謝元暉和伏武昌

詩鵲起登吳山鳳翔陵楚甸其意竝同據李善注引莊

子

今本莊子無

鵲上高城之境而巢於高榆之顛城壞巢折

凌風而起故君子之居世者得時則義行失時則鵲起

然則鵲起非美詞矣

紅丁

貫休詩蕨苞玉粉生香壘茵蒨紅丁出靜槎蓋詩家象
形借用之語陸放翁詩滿貯醇醪漬黃甲密封小甕餉
紅丁想卽祖此然不出茵字則不知紅丁爲何物矣宋
人詩大抵源流於唐而不及唐律之細如此類可見

飲馬投錢

困學紀聞引風俗通潁川黃子廉每飲馬輒投錢於水
以證陶淵明咏貧士詩昔在黃子廉彈冠佐名州一朝
辭吏歸清貧略難儔又云吳志黃蓋傳故南陽太守黃

子廉之後志祖案風俗通今本多缺佚黃子廉事不見
惟愆札篇云太原郝子廉每行飲水常投一錢井中地
望旣殊姓氏亦別且不言飲馬也豈二人二事耶御覽
卷四百二十六引三輔決錄云安陵項仲山飲馬渭水
日與三錢以償之又異

雨絕

陳琳檄吳將校部曲文有雨絕於天語二字漢魏人屢
用之禰衡鸚鵡賦何今日之雨絕今文選本作兩絕誤
也王仲宣贈蔡子篤詩一別如雨及江文通擬潘黃門
述哀詩雨絕無還雲注可證李善所云諸人同有此言

未詳其始也意林物理論傳子曰毋捨己父更嫁他人
與己父甚於雨絕天也雨字或誤作兩校者遂以絕字
移於與己父之下又改天作夫而云甚於兩夫大謬潘
岳楊氏七哀詩曰濯如葉落樹邈然雨絕天見拜中軍
記室牋注

爲善最樂

楊升庵云書云民訖自若是多盤注云民之行已盡用
善道是多樂也東平王蒼曰爲善最樂見後漢書本傳亦是此
意志祖案孔傳本文是民之行已盡用順道蓋訓若爲
順以順道解經之若字尔今升庵改順爲善以證東平

之語其謬甚矣而近人猶有襲其說者何也

清貴

世說殷中軍道王右軍云逸少清貴人楊升菴丹鉛錄云右軍清真謂清致而真率也李太白用其語爲詩右軍本清真是其證也近日吳中刻世說乃妄改作清貴志祖案太白詩乃借用山公目阮咸語尔正不必泥世說又云殷中軍道右軍清鑒貴要則是清貴非清真刻本不誤也晉書庾亮上疏稱羲之清貴有鑒裁亦可證

淮海

魏志陳登傳許汜曰陳元龍

登字

湖海之士豪氣不除案

後漢書陳球傳注引魏志作淮海蓋以登淮浦人故云
今作湖海疑誤文人習用湖海元龍之語亦不加察
當據後漢注正之

江河

通鑑八十七卷云諸名士相與登新亭游宴周顗中坐
歎曰風景不殊舉目有江河之異胡三省注云言洛都
游宴多在河濱而新亭臨江渚也解江河二字最明析
世說言語篇云正自有山河之異改江河作山河殊無
義晉書王導傳作江山亦非是

鞠躬

論語鞠躬之躬字與窮同儀孔聘孔鄭注引孔子之執圭鞠躬如也可證蓋鞠躬窮與蹶蹈一例若作曲身解則當云躬鞠如也方與色勃如也足躩如也句法合矣丁小山語予云攷工記容不容只論門之廣狹不論高卑則入公門之鞠躬非曲身也且曲身則升堂轉易傾跌執圭亦不能平衡孔注斂身自專釋如不容三字非釋鞠躬其說最精核足補皇邢兩疏之遺

廣正鞠躬謹敬也鞠躬卽論語

之鞠躬史記魯世家窮如畏然徐廣音窮窮

五馬

隨園詩話載五馬三說引南史柳元筴傳兄弟五人同

爲太守各乘一馬出入時人榮之號柳氏門庭五馬委蛇志祖案南史無柳元筴傳此事不知所出湛園札記則云宋人五色綫集北齊柳元伯五子同時領郡時五馬參差於庭故時人呼太守爲五馬與隨園所引南史又異然檢北史亦不見柳元伯事大抵說部書之沿譌襲謬皆不可信也

西垣

唐張說爲麗正殿學士嘗獻詩曰東壁圖書府西垣翰墨林誦詩關國體一作聞國政講易見天心見大唐新語文章篇以學士院在省垣之西故曰西垣俗本改作西園

非也西園有何義乎潛邱札記云考舊本張說集是西垣麗正殿書院卽開元十三年改名集賢殿書院者唐六典集賢殿在洛陽宮之右其爲垣字無疑

春風啜茗

楊升庵云杜子美何將軍山莊詩薰風啜茗時今本作春風非此詩十首皆一時作其曰千章夏木清又曰紅綻雨肥梅皆是夏景可證志祖案此是重過五首中句與前十首非一時作前遊在夏重遊在春當作春風非薰風也升庵誤

曾門

唐人稱曾祖爲曾門濟度寺尼惠源和上神空誌云曾門梁孝明皇帝惠源爲蕭瑀孫女其所稱曾門者曾祖也新唐書孝友傳程袁師改葬曾門以來閱二十年乃畢亦當是曾祖之稱潛研堂金石文跋尾云稱曾祖爲曾門未詳其義

陶衛

困學紀聞曰魯仲連書富比乎陶衛延篤注戰國策云陶朱公子荆王劭云魏并封陶商君封衛今案商君封於商非封衛也王氏之言如此志祖案商鞅本衛庶孽公子故當日有衛鞅之稱非以其封於衛也潛夫論論

榮篇云衛鞅康叔之孫也可證然此言陶衛自當謂陶朱及子貢介鹽鐵論刺權篇亦云威重於六卿富累於陶衛

蘧車

顏氏家訓文章篇云劉孝綽平生誦何遜詩常云蘧居響北闕愴愴不道車注家無解志祖案蘧居居字誤當作車蓋用蘧伯玉事何遜早朝詩云蘧車響北闕鄭履入南宮見菡文類聚朝會類文苑英華彭叔夏辨證云集本題作早朝車中聽望是也愴愴不道車是譏何詩語然不得其解豈以蘧車二字音韻不諧亮邪

儲胥

尚書大傳太公曰愛人者兼其屋上之烏不愛人者及其胥餘注云胥餘里落之壁胥卽胥字別本作及其儲胥意亦同李義山詩風雲常爲護儲胥蓋卽籬壁之意近人以儲胥與扈養竝稱作婢僕解者非是說苑貴德篇憎其人者惡其餘胥胥餘餘胥儲胥一也

儲胥見長楊賦

因是已

戰國楚策莊辛謂楚襄王曰黃鵠因是已蔡靈選注侯之事因是已君王之事選注之事二字作自因是已三已字句絕文選阮嗣宗詠懷詩注引延叔堅戰國策論曰因是已

復有是也今本國策已作以屬下讀者非莊子齊物論亦有此句法

苟敬

說文苟字云自急敕也已力切字从𠂔與艸部苟字音義迥別儀礼燕礼聘礼之賓爲苟敬俱當作急敕解讀同急傳寫或誤从艸鄭注遂以假且小敬解之失之矣大學盤銘之苟日新亦然此說予得之謝東墅少宰足以補盧學士儀礼詳校所未及

蒲山

唐皇甫枝三水小牘云內蛇歿而鄭厲入羣鼠奔而蒲

山亾或疑蒲山爲蔣山之誤用隨書五行志陳禎明二年羣鼠隨流出江事以蔣山代陳也予以爲不然此蓋用李密事李密屯營羣鼠銜尾西北渡洛經月不絕見新唐書本傳密父寬封蒲山公故云蒲山亾尔

求瘼

文選齊安陸昭王碑文云慮深求瘼李善注云詩求民之莫班固漢書引詩而爲此瘼尔疋曰瘼病也志祖案漢書敘傳上引詩求民之莫亦作莫字顏師古注訓莫爲定與毛鄭同說見匡謬正俗蓋李所據漢書本與師古異也宋書符瑞志引漢書此文作瘼蜀志馬超傳兼董萬里求民之瘼

鬱陶

孟子鬱陶思君尔本有憂喜交集之意故下文以象憂亦憂象喜亦喜雙承之尔正釋鬱陶爲喜其義未盡王逸注楚詞九辯豈不鬱陶而思君兮曰憤念蓄積盈胸肫也僞孔傳訓鬱陶爲哀思又但有憂而無喜亦非也惟廣正云陶喜也憂也始得之蓋陶字兼憂喜二義雙言之則曰鬱陶

城狐

今人習用城狐社鼠語四字見晉書謝鯨傳社鼠見韓非子而城狐則無攷也後漢書虞延傳云尔人之巨蠹久依城社

不畏熏燒章懷注亦但引社鼠事不及城狐當更詢諸

博正

說苑善說篇有
稷狐社鼠語

三九

顏氏家訓勉學篇三九公讌則假手賦詩注云公讌公
家之讌文選有公讌詩此云三九則有常日矣徐北溟
正之云三九謂公卿也後漢書郎顗傳陛下踐阼以來
勤心眾政而三九之位未見其人注云三公九卿也抱朴
子內篇辨問云蔑三
九之官背玉帛之聘又文選張銑注王仲宣公讌詩云
此侍曹操讌時操未為天子故云公讌據此則公讌屬
公卿可知

醋

惠定宇云醯醬也宋儒誤以爲醋

其誤始干廣正

古有梅無醋

離騷吳酸亦非醋也志祖案儀礼聘礼醯在東鄭注醯穀陽也醯肉陰也賈疏云醯是釀穀爲之酒之類在人消散故云陽醯是釀肉爲之在人沈重故曰陰也公食大夫礼宰夫自東房授醯醬注醯醬以醯和醬據此則康成亦以醯爲醋非與醬一物也

說文醯酸也玉篇醯酸味也論語或乞醯

焉皇侃疏云醯酢酒也

不得云誤

仞

孔叢子語多與書孔傳家語合予以爲皆王肅一人所

作也惟書旅獒傳及家語致思篇注竝云八尺曰仞以異於康成之七尺曰仞也而小尔疋則云四尺謂之仞又與書傳家語注不同它書亦無有同小尔疋者不應歧互乃尔丁小山云當是四尺謂之下脫五字蓋四尺別有度名而倍之爲仞仍是八尺曰仞也其說頗確予錄入孔叢子疏證

疹

說文疹字云瘡瘍也玉篇始云癰疹皮外小起也與今醫家所言疹者略相似宋史謝皇后傳有后忽病疹語至痘瘡痧三字則說文素問皆無之蓋俗字也李時珍云痘始於馬援

征武溪蠻染此疾歸名曰虜瘡卽今之痘也古書言人
狀兒不及面麻知古無痘矣至瘖與痧則更不詳其所
始書錄解題載宋元祐中董汲
小兒痘疹論二卷痘疑卽痘

離古雅字

通鑑二百三注云離卽古雅字案雅與離音義迥別說
文玉篇諸書俱無離爲古雅字之說未詳梅礪此語所
本當詢之通六書者

花字

古書花皆作華玉篇始有花字顧亭林唐韻正云花字
自南北朝以上不見於書隨書凡儀志梁武帝引孔安

國傳尚書山龍華蟲曰華者花也今傳無此語晉以下書中間用花字或是後人改易惟後魏書李諧傳載其述身賦曰樹先春而動色草迎歲而發花又曰肆雕章之腴旨咀文菽之英華花字與華竝用而五經楚辭諸子先秦兩漢之書皆古本相傳凡華字未有改爲花者得非造於魏晉以下之新字乎志祖案夏小正傳楊則花而後記之孔氏廣森補注改花字作苑云古文有華無花然廣疋釋草藹草葩菁藥花華也花與華兩字竝用菽文類聚卷二十八引晉棗據詩旣云相伴步九華其下又云芳林挺秀榦一歲再三花亦花華竝用則魏

晉閒已有此字矣

葷薰字同

袁文藝牖閒評云世言葷腥蘇東坡作剖桃核得硫黃之說云自是斷薰血用薰字不知何故志祖案文選嵇康養生論薰辛害目李善云薰與葷同然則東坡用薰字不誤也漢書霍去病傳以薰粥爲葷粥亦可證

澮溱同韻

說文溱水出桂陽臨武非鄭水也鄭水作澮水經今詩

注同

及春秋內外傳孟子竝作溱洧誤也近人以溱从秦聲在真臻韻澮从曾聲在蒸登韻詩首章溱與人韻二章

言月金
涓與士韻反疑說文水經注爲誤志祖攷廣韻溱字涓
字竝在十九臻內云涓水名在鄭國此水南入涓詩作
溱涓誤據此則不得以涓韻不協爲疑矣

凳字

吳曾能改齋漫錄云牀凳之凳晉已有此器引世說張
元之顧敷暝於鐙下共敍客主之情以爲牀凳之始又
云凳廣韻云出字林殆後人所撰尔志祖案鐙卽古燈
字楚詞華鐙錯些可證又借以爲鞍鐙字與牀凳何涉
耶世說自謂燈下不得云凳下也字林乃晉呂忱所作
則凳字亦古矣吳謂晉有此器誤據世說之鐙字而斥

字林之癸字深所未喻

再字

再稱古字通太戴孔保傳篇再爲義王再譌作再注遂以陽穀與召陵釋之非也賈誼新書作稱爲義主可證文王官人篇敬再其說再亦再字之譌逸周書作亟稱其說

澠音繩

左傳

昭十二年

有酒如澠釋文澠音繩齊有澠水無繩水杜

詩況挹酒如繩及如繩之酒常快意皆澠字傳寫之誤也其寄劉峽州詩展懷詩誦魯割愛酒如繩上有臨軒

對玉繩句尤爲澠字之誤無疑學林譏契丹使有酒如繩繫行人而不住以其訓繩索爲非不知此亦澠字之誤特借澠繩音同喻意余觀劉沆對以在北曰狄吹出塞以何妨亦借笛狄音同可證

木字有桑音

古木字有桑音列子湯問篇越之東有輒木之國注音木字爲又康反山海經東山經南望幼海東望搏木注扶桑二音是也字書木字失載桑音人多如字讀之誤矣呂氏春秋爲欲篇東至搏木亦當讀爲扶桑

稟字

袁文甕牖閒評云班馬字類上聲稟字下从禾又有稟字下从示於從禾稟字云史記礼書不稟京師於从示稟字下云漢書西域傳須諸國稟食疑不稟京師當从示須諸國稟食卻當从禾恐是其錯誤也志祖案古止有从禾稟字其从示者俗書尔班馬字類分二字固誤而袁氏之說亦非

隋字作隨

顧亭林金石文字記云隋字作隨當時金石之文二字通用自司馬溫公作通鑑以後始壹用隋字而水經注涓水東南逕隋縣西隨字作隋則知此自古人省筆之

字謂文帝始去辵而爲隋者未必然也志祖案隋文帝

因周齊之間不遑寧處省辵爲隋此徐楚金之說困學紀聞

引亦見通鑑注本之廣韻也隋隨二字音義各別古人

未必通用蓋文帝始改國號爲隋而當時學士沿寫已

久故金石之文往往仍書作隨書舜典武成呂刑正義並有大隨語蓋襲劉炫

文之至水經注之隋縣則譌字也新刻本已改正矣

礧礧二字

說文石部無礧字但有礧字注云礧石也從石段聲春

秋傳曰鄭公孫段字子石徐鍇繫傳云木華海賦礧石

詭尤是礧石文也

案文選海賦作礧石詭暉注引說文礧玉之小赤色者亦不作礧今

春秋左傳書公孫碣作公孫段誤也痕加反志祖案詩取厲取鍛釋文鍛本又作碣丁亂反說文云碣厲石是厲石之碣當从段而不從段音丁亂反而非痕加反明矣左傳鄭公孫段印段一字伯石一字子石皆不从段可證也玉篇碣厲石也別出碣字云下加切碣碣高下也蓋說文本有碣碣二字今本脫去碣字之注又脫去碣字而以碣字之注入於碣字之下楚金不攷而誤音之反以今左傳作段爲誤則謬矣九經字樣云碣音霞見春秋亦誤

賠字

楊升庵云昔高歡立法盜私物十備五盜官物十備三
備償補也音裴今作賠音義同而賠字俗從備爲古志
祖案北魏昭成帝什翼犍諡昭成帝立法令盜官物一備五私
物一備十事見魏書刑法志及通鑑一百二十二卷不
聞北齊高歡時有此法且盜私物十僅備五官物則備
三亦不應立法寬縱至此是賞盜也疑升庵誤胡三省
通鑑注云備陪償者今人多云陪補據此則作陪字亦
通

觸字無平讀

隨園詩話云高阜山人泰州題壁詩爲墮無端逢腐鼠

角觸那信有神羊觸字韻本無平聲唯毛西河引西京賦百獸凌遽騃瞿奔觸喪精亡魂失歸矣趨作平聲押其博覽如此志祖案西京賦觸字趨字俱押去聲下文尚有投輪關輻不邀自遇二句其不讀平聲可知山人詩蓋誤讀也吾恐世人震於博覽之名又以其說出於毛西河竟謂觸字有平讀矣故聊一正之

般字本音

吳才老韻補專以叶韻說詩朱子詩傳因之其實古音與今韻不同古人自讀本音不煩叶也予與趙雋門春言及之雋門曰然詩關雎寤寐思般般字此叶韻之始

也然般字从艮聲本與側爲韻衛詩之子無般亦與在
彼淇側爲韻是其明證不特此也般字古篆或作般邑
艮聲相近或借作匊詩匊救之檀弓作扶般匊亦从
畱得聲非如今人之讀入一屋也以此類推而三百篇
之本音可知矣

古今字

字者孳也古人字少每多假借後代形聲相益踵有增
加如艸木蟲鳥之偏旁大抵皆後人所增也然亦有古
分兩字隸趨簡易止用一字者今以說文攷之如兩爲
斤兩而訓再者別爲兩樹爲樹木而訓立者別爲對津

爲水渡而訓氣液者別爲畫節爲竹約而訓瑞信者別
爲下漏爲刻漏而屋穿自作扇字農爲昧爽而房星自
作農字然燒也與語聲之噉不同端直也與初生之耑
不同微隱也與敝妙之敝不同稱銓也與偁揚之偁不
同鼓郭也與擊鼓之鼓不同筭具也與算卦之算不同
他如溺本水名卽弱水而沒水爲休陳乃國名而陂列爲
陂后羿號窺旣殊窮極之字太岳胙鄆亦非聽許之文
此類不可枚舉使非叔重之書至今存學者幾無由識
別矣

男同元校錄